

**KOMORA AGENCIJA I UNUTRAŠNJIH
SLUŽBI ZA ZAŠTITU LJUDI I IMOVINE**
Ul. Tina Ujevića br. 1, Sarajevo
Datum: 28.03.2017. godine

ZAPISNIK

sa radno-konsulativnog sastanka Komore agencija i unutrašnjih službi za zaštitu ljudi i imovine i predstavnika Ministarstva unutrašnjih poslova Kantona Sarajevo

Radni sastanak je održan u utorak 27.03.2017. godine sa početkom u 09:00 sati u prostorijama Ministarstva unutrašnjih poslova Kantona Sarajevo, ul. La Benevolencije broj 16.

Ispred Ministarstva unutrašnjih poslova sastanku su prisustvovali slijedeći učesnici:

- Vedran Mulabdić, ministar unutrašnjih poslova Kantona Sarajevo;
- Sanja Petrović, direktorka Uprave za administraciju i podršku;
- Aida Rišljanin, v.d. glavnog inspektora u inspektoratu KMUP-a;
- Tarik Alispahić, inspektor za nadzor rada agencija i USZ;
- Jusuf Jaganjac, inspektor za nadzor rada agencija i USZ;
- Muamer Bajraktarević, inspektor za nadzor rada agencija i USZ;
- Malik Kadrić, stručni savjetnik – upravno rješavanje;
- Miralem Mušić, samostalni inspektor Uprave policije MUP-a Kantona Sarajevo;
- Samir Kukić, samostalni inspektor Uprave policije MUP-a Kantona Sarajevo.

Ispred Komore agencija i unutrašnjih službi za zaštitu ljudi i imovine sastanku su prisustvovali slijedeći predstavnici:

- Malik Krivić, predsjednik Upravnog odbora;
- Fahrudin Željković predsjednik Skupštine;
- Hazim Šahbaz, predsjednik Nadzornog odbora;
- Mensud Cibra, član Upravnog odbora;
- Alija Jašarević, predstavnik Gama AA;
- Dragan Mioković, predstavnik Sector Security-a;
- Amra Hadžiabdić, sekretar Komore.

Sastanak je otvorio ministar unutrašnjih poslova Kantona Sarajevo Vedran Mulabdić, te nakon što je pozdravio prisutne i istim se zahvalio na posjeti, istakao je spremnost i otvorenost Ministarstva unutrašnjih poslova Kantona Sarajevo za saradnju sa Komorom ističući značaj i ulogu Agencija za zaštitu ljudi i imovine za sigurnosni sistem u Kantonu Sarajevo i šire. Također je istakao da Komora ima punu podršku kada je u pitanju saradnja sa kantonalnim ministarstvom unutrašnjih poslova naglašavajući da su Agencije za zaštitu ljudi i imovine produžena ruka policijskih organa u službi zaštite ljudi i imovine i cjelokupne sigurnosti u društvu te izrazio spremnost za nastavak saradnje u svim segmentima.

Nakon Ministrovog izlaganja ispred Ministarstva unutrašnjih poslova Kantona Sarajevo, prisutnim se obratila direktorka Sanja Petrović pozdravljajući prisutne učesnike i zahvalila se na interesu za sastanak i istakla da već postoji saradnja Agencija sa Kantonalskim ministarstvom koja će se u narednom periodu još proširiti obzirom da je Komora osnovana i da je izražen interes od Komore za boljom saradnjom sa Ministarstvom u pogledu pravnih i organizacijskih poslova.

Inspektor Muamer Bajraktarević se ispred Ministarstva unutrašnjih poslova Kantona Sarajevo obratio učesnicima sastanka i predstavio prisutne kolege naglašavajući da su sastanku prisutni državni službenici iz Uprave za administraciju i podršku čiji je opis poslova vezan za provođenje odredbi zakonskih i podzakonskih akata kojima je regulisana oblast privatne sigurnosti, te policijski službenici Uprave policije Kantona Sarajevo koji predstavljaju referentne predstavnike Uprave policije u smislu izvršenja poslova na terenu te koneksijske sa uposlenicima Agencija za zaštitu ljudi i imovine na terenu, nakon čega je dao riječ predstavnicima Komore.

U tom pogledu gospodin Malik Krivić je pozdravio prisutne, zahvalio se na podršci i izdvojenom vremenu kantonalnog ministra unutrašnjih poslova za održavanje sastanka i predstavnikom Komore. U svom izlaganju Malik Krivić je iznio programske ciljeve Komore, naglašavajući da pored odlične saradnje Agencija i kantonalnog ministarstva unutrašnjih poslova, Komora želi poboljšati tu saradnju i izdići je na veći nivo, ističući da Komora u svom sastavu broji 31 Agenciju. Također, posebno je naglasio da u službi zaštite ljudi i imovine na području Kantona Sarajevo radi cca. 1925 zaštitara, kao i da je 1860 objekata na području Kantona Sarajevo pod fizičkom zaštitom te oko 4932 objekta pod tehničkom zaštitom Agencija za zaštitu ljudi i imovine na području Kantona Sarajevo.

Posebno je istakao da su Agencije bitan faktor sigurnosti na području grada Sarajeva te se nada da će ovaj sastanak biti spona za naredne sastanke sa organima Policijskih uprava na području grada Sarajeva.

U predstavljanju Komore obratio se i Alija Jašarević sa zahvalnošću na saradnji policijskih organa sa Agencijama, te istakao zahtjev da se poštri inspekcijska kontrola u popodnevnim i večernjim satima na određenim objektima i manifestacijama jer smatra da postoji rad na crno u određenim Agencijama kao i da se odgojavajućim aktivnostima inspekcijskih organa pokuša spriječiti rad firmi koje nemaju ovlaštenje za obavljanje djelatnosti tehničke zaštite sa ciljem da se spriječe te i slične radnje, a sve opet u interesu dobrobiti cjelokupne društvene zajednice.

Hazim Šahbaz se obratio prisutnima sa prijedlogom za uspostavljanje bolje procedure u slučajevima izuzimanja snimaka sa video nadzornih kamera u slučajevima krivičnih dijela čime bi se spriječila moguća zloupotreba Zakona o zaštiti ličnih podataka.

U pogledu prijedloga za uspostavljanjem bolje procedure vezano za izuzimanje video snimaka za riječ se javio samostalni inspektor Miralem Musić izražavajući zahvalnost zbog ovakvih inicijativa za sastanke kao i za proširenje saradnje. U pogledu procedure izuzimanja video snimaka naglasio je da je zakon jasno definisao te odredbe i da se pokuša uticati na sudove i tužilaštvo da se te procedure bolje urede kako bi i Agencije i policija u tom pogledu imali bolje rezultate. Posebno je istakao da policijski organi bez naloga suda ne mogu zahtjevati izuzimanje tih video snimaka u slučaju nekih krivičnih dijela. U pogledu inicijative Komore za održavanje radnih sastanaka sa Policijskim upravama Miralem Musić je pozdravio tu inicijativu i istakao da će on obavjestiti Policijskog komesara za taj vid saradnje i izrazio spremnost i zalaganje za održavanje tih sastanaka.

U svom predstavljanju Mensud Cibra je istakao vid problema u pogledu statusa čuvara kod upotrebe fizičke sile i načinu tretiranja istog obzirom da su zakonskim odredbama data ovlaštenja čuvaru za upotrebu fizičke sile radi obavljanja poslova zaštite ljudi i imovine. Također je istakao i način identifikacije službenog lica na obavljanju poslova zaštite ljudi i imovine, gdje se prilikom identifikacije službenog lica pored službene iskaznice zahtjeva i lična karta, smatrajući da je službena iskaznica validan dokument koji služi za identifikaciju čuvara na radnom mjestu.

U pogledu iznešenih zahtjeva inspektor Muamer Bajraktarević se obratio prisutnima sa prijedlogom da se zahtjevi Komore za sastanke upute Policijskim upravama i da se u svakom slučaju obavijesti i policijski komesar vezano za sastanke, u cilju utvrđenja dinamika tih sastanaka i rješavanja određenih upita od strane Komore prema policijskim organima.


Samostalni inspektor Miralem Musić je istakao da će policijski komesar biti obavješten o održavanju ovog sastanka i da će Komora pojedinačno dogovorati sastanke sa Policijskim upravama u Kantonu.

Za pitanje prema Komori se javio inspektor Jusuf Jaganjac sa konkretnim pitanjem zašto se Komora obratila prema Kantonalnom ministarstvu obzirom da je registrovana za područje FBiH-e i da se važeći Zakon o Agencijama za zaštitu ljudi i imovine primjenjuje na nivou FBiH, te je istakao da se više okvirno išlo u tematiku problema i naveo da se zajedničkim snagama može uticati na promjenu tih važećih propisa.


U odgovoru na to pitanje istaknuto je da Komora ima punu podršku Federalnog ministarstva unutrašnjih poslova, obzirom da je FMUP dao na korištenje prostor u Domu policije Komori a Vlada FBiH-e odobrila kao i da je u izradu prednacrtu određenih zakona Vlada FBiH-e u radnu grupu uključila i Komoru sa njenim predstavnicima naglašavajući da Vlada u svom radu Komoru posmatra kao partnera koji može sudjelovati u izradi zakonskih propisa. Komora ovim sastankom želi dodatno razviti i poboljšati saradnju i na kantonalnom nivou ali i činjenica da je u Kantonu Sarajevo najveća koncentracija ljudi u vidu osiguranja zaštite ljudi i imovine, obzirom da oko 60% zaštitara je angažovano na poslovima zaštite ljudi i imovine od strane Agencija.

Predstavnici Komore su se još jednom iskreno zahvalili na ukazanom povjerenju i razumjevanju za održavanje sastanka i izrazili punu spremnost za razvijanje još bolje saradnje i stvaranja boljeg i potpunijeg sigurnosnog ambijenta u cijelokupnom društvu.

Ovjerivač Zapisnika


Muamer Bajraktarević

Zapisničar


Amra Hadžiabdić

Predsjednik Upravnog odbora


Malik Krijić